

# Herr Christoph Hackstrumpf,

weiland

Schuhmacher und Volksredner, Particulter und Bürgergrenadier-  
hauptmann, Rathsherr und Inhaber einer goldenen  
Schmuckstabsdose &c.

---

Eine politische Idille in dreizehn Bildern.



## 1. & Zweekrausch.

Ich gäb was drum, Fra Bas, könnt ich erfahre,  
Ob wol die Gäst beim Welfers-Traktament  
Dann all so bsoffe wie mein Christoph ware,  
Der hot mer 's ganze Haus schier umgewendt!

Zwee hamwänen gebrocht; — 's hot grad geklinge,  
Als künde se nit recht zum Gässel rein,  
So sin se gescholbert all un hamwe gsunge:  
„Rein, nein, sein Vaterland muß größer sein!“

Ich mach die Hausdhür uff, un plumps! do falle  
Se mir aa schun engege, uf ihr Bäuch,  
Un fange an zu dudle un zu lalle:  
„Kein Preußen fortan und kein Oesterreich!“

Allmählig sin die Muure nausgegrawwelt,  
Mit Ach und Krach, die Achse an der Wand,  
Un Er hot dogeleche un gezawwelt,  
Un gsunge: „Stehe fest, mein Vaterland!“

„Könnst do nor selwer schtehn, du kleiner Zebbe!“  
 Haww ich gedenkt, un unsern Gsell geweckt;  
 Der is nit faul, un frichd en an de Labbe  
 Un reißt en uf, — des hodd em gar nig gschmeckt!

Kaum schteht er, schießt er hinner in de Schobbe;  
 'S is allerhand dort, — unner Annerm aach  
 'E Sack voll Welschkorn, for die Gänz zu schtobbe; —  
 Uf eenmol dhut's en mörderliche Schlag.

Un glei druf höremer mein Christoph sage:  
 „Sie großer teuffcher Hofrath! — edler Mann,  
 „Der Sie die schöne Motione mache!  
 „Wie fröt 's mich, daß ich Sie heut küsse kann!“

Do war die Redd vum Landwehr un Kanone,  
 Vum Polizeischaat, vum Beamteschaand,  
 Ukase, Schere, Becher, Bürgerkrone,  
 Vun Freiheit un vum große Vadderland.

Un wie mer gucke, hot mein voller Schode  
 Im Arm den schwere volle Welschkornfact  
 Un wälzt im Dreck sich middem uffem Bode,  
 Daß jammerschad war for sein schwarze Frack.

Sunscht redd er als in seine Käusch vum Namse,  
 Vum Schlauch un Knöchle, Trump- un Schippe=Kß,  
 Un daß er Selle oder Zene durch wollt wamse,  
 Mächt Zode odder sunscht en schmutzge Gschpaß.

Des Mol, — drum will ich 's jo aa gern vergeffe! —  
 So arg 's aa war, 's war doch e nobler Brand;  
 Er hot's schun vorher gsacht: „beim Welckers=Esse  
 „Sauf ich mer 'n Käusch for's deutsche Badderland.“

Sein letschti Redd im Schloß war noch: „der Welcker  
 „Er lebe hoch! — Sauft aus und stoßet an!  
 Der un der Ißstein lehre jekt die Völker;  
 „Er lebe hoch, der edle teutsche Mann!“

## 2. Vorwärts.

I habb's geahnt,  
 Ich bin zu ebbes Amrem noch gebore  
 Als Bech zu rieche ewig uf dem Sctuhl!  
 Mein Hern war träumer Mofcht, jek hot's vergohre,  
 Jek is es flor, — bis geschtern war's noch Puhl.

2\*\*

Wer in Paris,  
 Wie ich, die Mesalliance französisch hot gfunge,  
 Schterbt nit als Mensch un simpler Granadier;  
 Wer dort sein Gut hot for die Freiheit gschwunge,  
 Der werd was bessers noch, als Schuschter hier!

Seit sellemol  
 Wie ich 'm Lafayett seim Leiblakaie  
 Des Paar frisch gsohlde Schtiffel habb gebrocht,  
 Schpür ich schun in mer alle Freiheitsweihe,  
 Seit sellemol hot's schtill do drin gekocht.

Wer uffem Schubb,  
 Als Märtyrer der guden Sache,  
 Maskirde Baurebuwe an der Seit,  
 Bis an die Grenz de Weg hot müsse mache,  
 Der werd noch vorrem Schwowealder gscheidt!

Jetz weef ich 's erscht!  
 Ich bin ein Mensch, — ein teutscher Mann, — ein Bürger,  
 Dausch nit mit dir, des Nordens Automat,  
 Satrapospotenknecht, der Freiheit Bürger,  
 Der du die Geißel schwingst im Kschlavenschaat!

Des war e Schmaus!

Des is e Mann! der kann die Woohrheit schpreche! —  
 Wie wann e Karouffel im Kringel geht,  
 Un Buwe uf den Mohrekopp neinschteche,  
 So gschmiert un rund un treffend is sein Red.

Wie Rinner als

Un so 'me Nüremberger Käschtel dubbe,  
 Un — flapps! schpringt unnerm Deckel vor e Maus,  
 So is 's bei dem; kaam braucht marn nor zu schtuppe,  
 Do gehts em aarmsdick glei zum Hals erans!

Die Tyrannei,

Des is for ihn der Mohrekopp zum Ziele  
 Wann er als Redner uf sein Schlachtroß sitzt,  
 Un, sächt 'r, in der Freiheit Kampfgewühle  
 For Licht und Recht sein Herzbluttrobbe schwitzt.

Die Tyrannei?

Die is aach hier in unsrer Shtadt zu sinne!  
 E fremder Kerl sliect jetz die Schpritgeschläuch!  
 Jetzt werre se nadürlich nimmer rinne,  
 Die Shtadt werd ünner Nacht bum Schpare reich!

Doch nor Geduld!

'S muß teutscher Geischt jets neîn in die Finanze;  
 Ich werr was redde künftîg, eh ich zahl!  
 Ich will den alde Schtadrath rumkranze,  
 Die sin die Kälwer, ich e geschliffner Schtahl!

Baakt ein, ihr Herrn!

Ich habb 's jets los e scharff Red zu halde,  
 Mein Zung is frei und saumer is die Bruscht;  
 Euch alde Runzelsichder voller Falde,  
 Euch fortzubunnre is mein Herzenslust!

### 3. Wie mar sich erre kann.

(Vor einem Bilderladen.)

Dies im Gesicht sein Kabbeschild vum Ledder,  
 Aus de Lage glokt e Dunnerwedder,  
 In der Hand e Cigarr luschtig brennt; —  
 'S is e Sunderfei vum deutsche Michel,  
 Wie er mit seim krumme eechne Brüchel  
 Uf der Bierbank sitzt un faust un schändt.



'S gribbt en was, des lest marm in de Nage!

Muß 'r villeicht e Pälzer Cigarr raache?

Is villeicht sein Bier zu dünn gebrant?

Odder sicht er hinne in de Ecke

Gheeme Volizeischpione schtecke,

Das er schtill sein Nerger nummerkant?

Odder? — — Sabberment! do les ich 's ewe,

'S is der Hoffmann jo vun Fallerslewe,

Wie er dosiht wann er mid uns kneipt.

Ja! des is er mit sein Cigarrschtumbe!

Schtünd noch newe uffem Tisch e Humbe

Wär er 's ganz so wie er lebt und leibt!

Ja, gundach! jeh peist's aus amre Böcher!

Was e Dummheit vun mer, so en Mächer

For de Bedder Michel anzusehü!

Halt! — des sin gewiß verborgue Zeeche,

Dhut mar do de rechde Sinn neialege,

Is des Bildniß noch emol so schön!

Sein Cigarr — ? bedeuht des Freiheitsfeuer,

Wo er ünneraal mit seiner Leier

Anzündt in de Köbb so hell un heeß, —

Un sein Schtock, daß er servile Lumbe

Un Tyranne orntlich durchzubumbe,

In die Pann des Zeug zu haue weeß.

Un die Kabb, gepuscht vum Baureschneider,  
 Die bedeuht, wann ich's verschteh, nix weider,  
 Als die jезиг Landplog, die Censur!  
 Dörst er nor des Schild e bissel lubbe,  
 Dausend Lerche dhäde do rauschslubbe,  
 Ga ira singe durch die deutsche Flur.

Was mar'n drucke loht, sin Lumbereie,  
 Un es muß en öfders bidder reue,  
 Daß er jemols ebbes hot gedicht.  
 Die Censore hodd er uf der Kreide, —  
 Was der Mann schun do hot müsse leide!  
 Woher käm aa sunscht des häremäßig Gesicht?

#### 4. Die Pressfreiheit hoch!

Jez bring aach ich en Trinkspruch aus!  
 Dann des muß seyñ bei jedem Schmaus,  
 Un iuwerm allerfeinschte Middageffe  
 Dörf mar's Redehalte nit vergeffe;  
 Des is jo doch's Genzige, in was mir  
 Uns unnerscheide im Lewe vum Dohs un Schtier;  
 Fresse un saufe kann aach e Gaul,  
 Mar bindt em de Hawwersack vor's Maul;

So kummemer die Mensche vor, die brave, schtulle,  
 Wo ohne e gsinnungsdüchtig Wort die Bäuch sich fülle  
 Wann mar awwer, wie mir, vun der Lemwer wegg, frisch,  
 & Red hot ghalde üwverm Middagsdisch,  
 Do möcht mar aach am annere Morge mit Verschtand  
 Sein Dagblatt nemme in die Hand,  
 Un sehe un lese, wie sich die Red  
 Schwarz uf weiß gedruckt ausnemme dhät.  
 Gut! awwer, ihr lieuwe Freund', wie is des  
 Menschemöglich ohne frei Preß?  
 Drum gilt mein feuriger Trinkspruch hent  
 Unserm höchste Gut, — der Preßfreiheit! —  
 Ja, awwer meent 'r die Preß wär schun frei,  
 Wann, — angenumme — aach alle Censore  
 Im Besserland sich hädde verlosse un verlore?  
 Ja! prost der Wohlzeit! — noch e Wochener drei  
 Kumpt, mine Billet so süß wie Zucker,  
 Die Rechnung vom Redacteur odder Drucker;  
 Do heeßt's: „for Ihr Redd, wo so viel Beifall hot gfunne,  
 „Beliewie Se e kleeni Roda hier unne“,  
 Un for dem Herrn sein Inserationsgebüh  
 Zahlt mar e Guldener drei odder vier!  
 So lang des so is, heeßt's halt: Heu odder Schtroh!  
 Zwickt mar dich so nit, zwickt mar dich so!  
 Endwedder schtreiche 's die liebe Censore,  
 Odder der Bläddelsdrucker packt dich bei de Ohre.

Die Gene sin Mörder mit ihre große Scheere,  
 Die Anne dhun de Berkehr wie die Raubridder schtöbre,  
 Un erhewe vum Gedankeschiff schwere Zoll,  
 Wo ünwersaal frei doch bassire soll. —  
 Drum ruf ich: fort die mordgierige Censore!  
 Fort alle Bläddelsdrucker un Redactore!  
 Fort mit Selle, wo ungeborne Kinner fresse!  
 Fort mit Denne, wo die bludige Baze rauspresse!  
 Frei sei die Pres! Schtoßt an, trinkt noch:  
 Die Pressfreiheit soll lewe! Hoch!

### 5. 'S Defizit.

Seitdem mein Mann im Ausschuß is  
 Un bei der Commission,  
 Do leßt un schreibt un rechnet er,  
 Als müßt er's in der Frohn.

Do laut er an de Feddere,  
 Un zählt, un subtrachirt,  
 Un seufzt, und sächt zu jeder Schtund:  
 „Des werd noch rauschtudirt!“

Un frog ich: was dann? — sächt'r: „guck,  
 „Des Bidscheh gefällt mer nit!“  
 Un's dritde Wort, wann er was redt,  
 Des is vum Defizit.

Un sag ich em: „Du schaffsch jo nir  
 „Uf deiner Profession“, —  
 Do sächt'r: „des is Borgerpflicht,  
 „Die Ehr, des is mein Lohn!“

Un will ich Geld for Weck und Brod,  
 Do sächt'r: „loß mich gehn!  
 „Ich bin allweil am Defizit, —  
 „Des kann uf Gundo schtehn.“

Un forder ich em Geld for Fleesch,  
 Do sächt'r: „geh, un borg  
 „Des Defizit in unsrer Rent  
 „Is jetz mein eenzigi Sorg.“

Un geh ich owens in mein Bett  
 Un sag: „kumm, Mann, geh mit!“ —  
 Do grauwelt er sich hinnerem Ohr  
 Un brummelt: „Defizit!“

Nachts traamt er nor vum Defizit  
 Un schtrambelt mit de Been;  
 Der Guckuk hol des Defizit!  
 Ich wollt, ich schlies allein.

Es ist keen böjer Mann, mein Mann,  
 Er dappelt halt so mit,  
 Un ich hätt nir zu Klage sunscht,  
 Wär nit des Defizit.

Fraa Bas! wann Ihrer werd gewählt,  
 Do leide S'es nor nit;  
 Die Ehr wär freilich schun was werth,  
 Allein des Defizit!

## 6. E reichi Erbschaft.

Ob ich mein Handwerkszeug zum Feuchter naus  
 Habb gschmisse? — ja! glei noch der Leicht wars draus,  
 Die Leeschte, 's Bech, der Schtuhl, die angefangue Schuh,  
 Der Schild vum Haus wegg un die Werkschatt zu!  
 Seit geschtern bin ich Patrikükelgeh,  
 Un dhu de Händ nimmehr mim Schaffe weh;

For was hädd ich dann des geerbde Geld,  
Wann ich mich fort un fort wollt ploge uf der Welt?

Der Kerchediener, mit seim fedde schwarze Krage,  
Wie der ins Haus is kumme, 's Leed uns anzufage,  
So sächt'r: „seit heut Nacht is's mim Herr Vedder all!  
„Sie sin geschtorwe! — 's is e recht bedrübder Fall!“  
Betrübt heeßts beiem, wann nix Drntlichs fällt;  
Bei Reiche, wo er denkt: do gibts e schönes Geld,  
Do sächt'r: „o des is e harder Fall!“

Der hot halt, wie die annre Leut hier all,  
Geglaabt, daß do nit viel zu hole wär, —  
Jez is er fufzig tausend baare Gulde schwer!  
Ja, jez — jez ziehe se vor mir de Hut,  
Wo vorrem Meeschter Hackstrump vorher gut,  
Lang gut un feicht hot glose uffem Kopp,  
Vorm Meeschter Hackstrump, vor dem aarme Tropp!

Jez will 'ch en anwer aa darfor zum Boffe lewe,  
Vorab de lieve Kochbarsteut do newe! —  
Wie ich des mache will? des sollt'r höre;  
Die Schuschterei mag Annere ernähre!  
Mim Meeschter Knierim is 's bei mir jez aus!  
E Balkan mit zwee Dhüre kummt ans Haus,  
Die een for mich, die anner for mein Fraa,  
Un Blumme druf, zur Summerszeit e Plaa,  
Mein Zeitung in der Hand, im Maul die Peif,  
So will ich naus mich setze breet un schreif

In meiner Unneform, un will mers gunne;  
 Ich will se ärgere jek, mein frühere Herren Runne;  
 Mit Finger solle se uf mich jek deude,  
 Un noch mein Häusel neidige Gsichder schneide.  
 Do schenkt mer künfdig jek mein Fraa de Kaffee eif; —  
 Was muß e gsundi Luft uf so 'me Balkan seyñ!  
 Was kann mar do for Rede nimmer halden,  
 Wie sich das öffentliche Leben soll gestalten!  
 Da brauche ich auf keinen Disch nicht mehr zu schpringen,  
 Wenn Tyranneien meinen Mund zum Sprechen zwingen,  
 Wenn freie staatsgefährliche Gedanken  
 Sich um das Vorrecht auf die Zunge zanken!  
 Do geh ich uf mein Balkan naus, un sag:  
 „Gut Heil, ihr Männer! guckt, es dämmert schun der Tag  
 „An dem das constitutionelle Schtaatsystem  
 „Benebst Geschwornen, Landwehr und Assisen  
 „Und Aufklärung wird in die Blüthen schießen, —  
 „Wo nicht mehr ein finanzielles Ungeheuer  
 „Accis uns auferlegt und Hundesteuer!  
 „Und wenn mirs jemals in die Sinne käm,  
 „Daß ich, so lang ich lebe hier auf Erden,  
 „Wollt diesem meinem Grundsatz untreu werden,  
 „Do dörfst ihr mich, so wahr ich Hackschtrump heiße,  
 „Von meinem Balkan runner in e Wischtkaut schmeiße!  
 „Tragt meine Rede nor ins Pandbuch ein,  
 „Un wenn ich je ein Züstemillioner sollte sein,



„Do bringe du, mein Volk, nor uf der Schtell  
 „Mein Häufel zunn Versteigern an die Schell,  
 „An den Erlös verwende for die gute Sache,  
 „Damit 's nit Unre schpäder auch so mache!“

Un uffem Nothhaus, was will ich do fege!  
 Was will ich do mich jets an Lade lege!

Die solle luure jets, wann „der verlumpt“ —

Ja! „der verlumpte Christoph Hackstrump“  
 kummt!

Bei mir gehts amerschter als wie bei Selle;  
 Erscht sin se gut un gscheidt, un harwe se Rathsherrn-  
 schtelle,

Do werre se allmählig grobb un dumm  
 Un dappe endlich als cumpledde Simpel rum;  
 Vorher do mache se Jedermann ihr Reverenz,  
 Als Rathsherrn sin se Pascha vun drei Gfelschwänz. —  
 Do g'hör ich nein! — 's is der geringste Lohn  
 For des was ich geleischt habb in der Cummißson,  
 Wie ich mich ufgeopfert habb schun hier  
 Als Mensch, als Ausschuß, un als Bürgergranadier!

## 7. Der verfluchte Besszer!

(Vortrag im Ausschuß.)

Ja, meine Herrn, mir hawwe uns zu bschwere, —  
 So schießt mar einer Commission nit mit,  
 Wo hinkummt uf die Rent, sich zu belehre,  
 Wies schlecht mit unsrer Cassa un mim Defizit.  
 Wann unser Commission nit ventre à terre,  
 Vor dem seim Schpitzhund ausgerisse wär, —  
 Do häddemer villeicht jeh schon die Wasserscheu!

Der Hund wo an der Kafz is angebunne,  
 Des is e wüdhig Dhier, so kleen er is:  
 Der hädd uns beinoh 's Neujahr abgewunne,  
 Dann grad so Besszer hawwe 's gefährlichste Gebiß!  
 Der hot gedobt an seiner lange Redd  
 Als wann er lauder Schtrauchdieb vor sich hädd, —  
 Des Luderöviech is uf de Mann dressirt!

Der Herr Berrechner war schpaziere gange,  
 Die Dhüre uf, der Hund alleen im Haus;  
 Mir merke ball, do is nir anzufange,  
 Un drücke hammerschich uns widder sache naus;  
 Die roth Canaille arwver is nit faul  
 Un reißt un zerrt un zieht als wie e Gaul,  
 Un uf uns dar, un schleest die Stadtkafz hinnenoch!

Mir sin die Schteege zsamme nunnergschprunge,  
 Dann Keener hot gebisse wolle seyñ;  
 Der Hund, der feucht un gauzt, un hots gezwunge, —  
 Gerumbelt hots, mar hot gemeent des Haus fällt ein, —  
 Massiv vun Eise is die schtädtisch Kaß,  
 Un der is nochgerennt mit uf die Gaß  
 Bis daß se henke is gebliwwe amme Eck!

Die Cummission kann also nit berichde,  
 Ob unser Schtadtkaß voll is odder leer;  
 Un sin so Usträg künfdig auszurihde,  
 Do möge annre Herren gehñ, — mir dhuns nimmehr;  
 Dann erscht verlange mir, als Cummission,  
 Vun Herrn Berrechner Satisfaction,  
 Weil jeder Gassebu uns aingauzt jeh zum Abz!

### 8. G Gardinepreddig.

So! also Hauptmann vun de Bürgergranadier!  
 Ei, guck emol! du bringst's zu was! ich graddelir!  
 Gemeener erscht, dann Korporal, jeh Hauptmann gar!  
 Ich hab's schon lang gemerkt, daß dir's zu wenig war  
 Als ordinärer Narr 's Gewehr zu trage,  
 Keen Schtickerei zu hamwe uffem Krage;

Za 's is halt schön! die abgenagde Schinckelknoche,  
 Der Kalbskopp drüwwer, hot dir in die Lage gschtoche, —  
 Un nib blos uf de Knöbb, aach uffem Hut!  
 'S schieht freilich so 'me Mann wie dir gar gut! —  
 Was sächscht de? „Dodteköbb un Nohrbeen?“ —

schäm dich doch!

Geh in der ganze Shtadt erum un frog,  
 Un sag: die Gumbanie will neu sich equibire,  
 Do werd euch Jeder rodhe: loßt euch Schwarademage  
 Un Lewerwörscht un Blunze uf die Knöbb gravire,  
 Un saure Niere uf de Fahne schiecke,  
 Un mit Kafrolle trummle wann ihr aus dhut rücke! —

Du willst mer vum „Soldadedodt“ was sage?  
 Is dein Herr Vorfahr aa vielleicht draß gschtorwe?

Ja, ganz gewiß! Er hot sich so verdorwe?

Un Fäschtebrekle! — Hoscht nit selwer gsacht:

Wann Gener sich darhinner hätt gemacht, —

Mar hät mim Shtobberziecher des Shtück Brezel kriecht,

Wann mar gewüßt hätt, daß es do grad licht?

Dofor habt Ihr em aach ins Grab neia gschosse,

Der ganze Shtadt die Köbb vertrumme losse!

Leischt hoscht du selwer gsacht: „er war e Schwein“,

Jeh is sein Shtall kaum leer, un du gehst neia!

„Fra Cabidänin?“ — non! ich sag do druf so nir  
 als: Schtöffel!

Geh hin, kaaf Brod eia mit dem Tiddel un Kardoffel! —

Ach Gott! wann doch em Mensche nit so schwer  
 Des erschte Kindsbeck rauszutreime wär!  
 Dein Mudder selig hot mers mehr als eenmool gsacht,  
 Was du als for e Amtsgsicht häscht gemacht,  
 Wann dich die annre Buwe wie en Affe  
 Zum König hawwe ausgerufe, un e rußge Haffe  
 Dir uf de Kobb geschtulpt for e Kron, —  
 En alde Kochlöffel in die Hand gschteect! — der Herr Sohn  
 Hot als sein eegni Mudder schier nimmehr gekennt;  
 Des geht der noch bis an dein selig End!

So! „s Köscht nit viel?“ — Was soll ich dozu sage?  
 Du meenscht, die Erbschaft wär nit durchzuschlage!  
 Neen, Gott bewahr! — du bischt e Rothschild! Millionär!  
 Dein Sack werd, wie im Märle, niemols leer.  
 Du werscht jeh widder aach im Tilbury fahre,  
 Weil mir noch nie der Schtadtschpektakel ware! —  
 Mein, Christoph, denkscht dann nimmer an des Bild,  
 Wo drummer schteht: „Ich frog jeh, was Europa  
 gilt?“ —

„Sei schtill, sei schtill?“ — Neen, grad nit  
 schtill, Herr Cabidän!  
 Jeh sag ichs erscht recht, erscht recht, wie ichs meen.  
 Du sihscht im Tilbury un lahscht dich hime wedder,  
 Die Händ sin nausgeplatscht ufs Schprikeledder,  
 Mit schwarze Händsching, — alle zehe Finger  
 Boll Ring, — un du bischt gschpickt als wie e Has

Mit lauder Borschteknodle un so anure Dinger,  
 Gemolt als Bullebeißer mit 're gschpaltne Nas,  
 Zum Maul raus hängt e Meerschaumpeiß mit langem Nohr,  
 Un rechts als Kutscher sitzt e Mopszgsicht vumme Mohr!

„E Schmierer?“ so! ei müßt ich nor wo der jets wär,  
 Der müßt mer aus Sibirie widder her,  
 De neugebackne Hauptmann noch Gebühr  
 Wie jellamol de Millionär zu verträdire!

„Zur Stadt rausjage?“ — geh mit deine Fare!  
 Gell, dorum loßt ihr euch de Schnorrbart wasche,  
 Daß sich die Leut recht vor euch förchde solle?  
 E saumer Corps! die Bäuch sin gschwolle,  
 Die korze dicke Hälz; — die Been sin krumm,  
 Un euer neue Schnorrbärt tragt 'r rum, —  
 Weescht wie? Wie'n alder kolleriger Gaul  
 Dofschteht un schloft un hodd e Hampfel Heu im Maul,  
 So hängt ihr grad aach euer Schwellköbb vor,  
 Als wär e Centner Blei in deene Hoor.  
 Gell, ja, wie der Student vor euer Front is kumme  
 Un hot e Streichholz for sein Cigar rausgenumme  
 Un hot's am Flüchelmann sein Sachtelbart geriwwe  
 Un hot sichs angezündt, — un der is schtehn gebliwwe  
 Un hot gegloßt, genießt, und Alles hot gelacht, —  
 Bischt du nit kumme Dwends un hoscht gsacht:  
 „So was soll uns gewiß nimmehr bassire!  
 „E is beschlosse: 's ganze Corps loßt sich rasire?“

Hots was genuht? — 's is kaum e Verdelsjohr  
 Un eure Mäuler schtehne widder voller Hoor;  
 Nadürlich! alle Mädle sin in euch verlibt,  
 Weil so e Bart em Mann was Gravidädischs gibt,  
 Grad wie vor Zeide als e dicker Zopp  
 En Rathsherrn hot gemacht aus jedem Eselskopp.  
 Die Hase harwe Hoor im Gesicht — so gut wie ihr, —  
 Die werren aach am End noch Bürgergranadier!

Hättst du die Hoor als nor uf deine Zähn,  
 Do könnst mit Ehre doch ufs Rothhaus gehn!  
 Weescht, was mar sächt? du dhäst als, wie e Fülle  
 Odder gar wie sunst was, wiehere un brülle,  
 Un wann de ferdig wärscht, do wüßt mar nit  
 Vor lauder Gschwätz, was anzufange mit.

„Wer sächt des?“ — ja! des werr ich dir jets sage!  
 Mit dem dhäst du dich uf Pischtole schlage! —  
 Keeñ doch! das dhäst du nit! — des dhun nor Gawwelier,  
 Des dhut keeñ braver Bürgergranadier!  
 Der muß sich schpare, muß noch Rothsherr werre,  
 Im grüne Lahneseffel 's Maul uffschperre,  
 Muß schöne Rede halte, Vorschläg mache  
 Zum Brückebau, — nit woht? un wann die Leut aa lache,  
 Was dhuts? nit woht „Herr Christoph Defizit“,  
 was dhuts?

Mar muß sich opfre! — 's Lache hot doch aa sein Gutz,  
 Vorab for den wo lacht! — Seh ich die Brück,

Do dent ich immer an dein Commission zurück,  
 Wie du so gravidädisch bischt uss Rothhaus gange,  
 Als häst de in dein Hut de Weisheitsvochel gfanget:  
 „Ihr Herren, ich bericht jets iwwers Defizit“ —  
 O! schnarch du nor! ich wees, du schlosscht noch nit! —  
 „Ich haww e sicher Middel gfunne for die Schulde:  
 „Die Brück trächt jährlisch zehendausend  
 Gulde“, —

Nou Christoph, helf mer doch die Ruß uffkaue! —  
 „Mir brauche also nor e zweddi newedraß zu  
 baue“, —

Du brummscht? is 's so nit recht? — curgir mich nor!  
 „Do hammer zwanzigdausend“ — ei so knorr! —  
 Ja, gell! hättscht du zu mir e Wort als vorher gsacht,  
 Hättscht du dich nicht so lächerlich gemacht! —  
 Schnarch du in Gottes Name wie e Schreinersäg,  
 'S is morge noch e Dag, — die Woch hot siwwer Däg,  
 Un du muscht all dein Sünde vun mer höre;  
 Ich habb de Krobb jets voll, und will dich lerne  
 Zu dhun als hättscht um mich dich nir zu schere; —  
 Hanswortschtelshauptmann werre ohne daß ichs wees!  
 Wart nor, Herr Hauptmann, ich mach dir die Höll jets hees!  
 Auswärts do sächt mar nir als Guts vun so 'me Roddel, —  
 Dofor kriechst du darheem dein Fett! — Wart nor bis morge,  
 Do wollemer des Ding noch weider bsorge!



### 9. Ich bin doch der Gscheidtscht vun Alle.

Heut hammer uns was abgedischbedirt,  
 Un 's hodd am End vum Lied zu gar nix gführt,  
 Dann wie mar gsucht hot, war keen Kreide do;  
 Ich hätt 's en noch der regula de tri  
 Mit Kreide vorgerechnet ohne Müh, —  
 Mit Fedd'r un Dinde kann mar's nit eso!

Der schtriddig Fall war forz zu sage der,  
 Ob's Brennöl odder 's Wasser schwerer wär, —  
 Dorümmer hot der Schtadtrath abgstimmt heut;  
 Sechs wore do fors Wasser, sechs fors Del,  
 Der Burgemeeschter sächt: „ich for mein Dheel  
 „Verlang bis morgo Uewerlegungszeit.“

Es kummt, genau betracht't, nix dodrus an,  
 Bei dem Fall muß die Regul Detri draß;  
 „Wann e Gaul sein zwanzig Zentner Wasser zieht —  
 So heest die Ufgab eegentlich — „wie viel  
 „Trächt do e schtarker Esel aus der Mühl  
 „An Del, wann 's Fässel grad en Zentner wiegt?“

Beim Rechne amwer werd's de Herren bang,  
 Un 's bleibt keen Genziger gern bei der Schtaug,  
 Wann ich mein Kreide rausnemm un mein Brill;  
 Do werd ins Blooe mein gedischbedirt  
 Un à la Schnuddelbuß veraccordirt,  
 Dann 's geschicht halt was der Burgemeester will!

So geht 's aa widder mit der Brennölgschicht!  
 Ich wett druf, daß 's sein Mann zu fahre kriecht?  
 Wann er was will, do hodder halt sein Kobb,  
 Do muß aa 's Wasser schwerer sein als Del,  
 Un weiß der Offeruß, un schwarz des Mehl, —  
 Un owwedreit werd er darbei noch grobb!

Ich habb 's em amwer gradraus gsacht in's Gsicht:  
 „Herr Burgemeester! 's Del hot mehr Gewicht;  
 „Ich kenn die Sach nit erscht vun geschtern her!  
 „Was wohr is, bleibt in Ewigkeit noch wohr;  
 „Ich bsorg 's Laderneöl schun ball zwee Johr, —  
 „Was is e Zehe-Zentnerfaß so schwer!

„Un woher wißt ihr Herren dann so bschtimmt,  
 „Daß werkllich 's Del aach uffem Wasser schwimmt?  
 „Ja schön! wann 's schwimme soll, do is es aus!  
 „Vergange erscht hot's gschtanne im Journal,  
 „E ganzes Schiff voll Del wär im Canal  
 „Versunke in de Grund mit Mann un Maus.

„Ihr redt mer vumme Nachtlicht imme Glas,  
 „Des Nachtlicht reibt ihr mir do unn'r die Nas?  
 „'S is nix! — Ah Nachtlicht hiñ un Nachtlicht her, —  
 „Wann 's Brennöl nit hätt mehr Gewicht,  
 „Do hättz des Wasser niemols numner kriecht; —  
 „Ja, ich behaupt: 's is noch emol so schwer!

„Wann Gener dick un fedd is, wie e Dol,  
 „En Murrer mager un sein Vacke hohl, —  
 „Wer ist der schwerscht? der Dick! ich bied e Wett!  
 „E Wassersupp, die heest mar dünn un scheel,  
 „Herngege sächt mar: 's laaft so dick wie Del —  
 „Also is 's Del aa schwerer, — dann 's is fett!

„Des, meine Herrn, is aach der wohre Grund,  
 „Warum in unsrer Schtadt bis uf die Schtund  
 „En Esel 's schtädtisch Brennöl holer muß;  
 „Zum Schlebbe is e Groover gar viel werth  
 „Un is aa wolfler halde als e Perd, —  
 „Drum soll 's beim Alde bleiwe, is mein Bschluß.“

Wann mar halt Leut wie die do vor sich hot,  
 Wo Mancher niemols weej hühscht odder hott,  
 Mächt unser Gener sich unjunscht die Müh;  
 So diffisile Sache pobulär  
 Un flor zu sage is erschredlich schwer, —  
 Un ganz begreife se eem doch halt nie!

Noñ, sei's wie's will, — ich redd vun dem Accord  
 Gewiß in keener Sitzung mehr e Wort;  
 Meintwege mache se 's noch ihrem Sinn  
 Un nemme for den Esel jeß en Gaul;  
 Ich denk mein Dheel darzu, un halt mein Maul; —  
 Die Stadt weeß doch, daß ich der Scheidtscht vun  
 alle Zwölfe bin!

#### 10. Der aufgelöste Granadierhauptmann.

Ihr liebe Herrn, gewesste Bürgergranadier!  
 Mit uf mein Dagsbefehl erscheint Ihr hier;  
 Doch is mer 's angenehm, daß Ihr seid kumme,  
 Un habt keen Rücksicht druf genumme,  
 Daß ich euch nimmer cummandire kann,  
 Mit mehr bin als en annerer gemeener Mann.  
 Ich haww euch einelade was zu höre,  
 Was ich, wann mir jeß nach als Corps beisamme wäre,  
 Wann nit die Cumpanie sich hädd am Corps versündigt,  
 Mit unsrer Janitscharemuffik hätt verkündigt.

Selbst noch als aufgelöster Granadierhauptmann  
 Erhalte Mir vun auswärts doch noch dann und wann  
 Als Brief, Debesche un dergleiche zugeschriwwe,

Aus Länder, wo's noch unbekannt gebliwwe,  
 Daß mir sin aufgelöst seit verzeh Dag;  
 Woran ich nor mit Schmerze denke mag,  
 Dann unser Granadiercorps war e Schaat,  
 Un 's is nor for die Uniforme schad,  
 Daß die jeh uffem Bandhaus henke, un vun Modde  
 Verfresse weire, ja villeicht gar ausgebodde, —  
 Die schöne braune Fräck mit gele Krage  
 De Kleederhändler um en Trumbel zugeschlage,  
 Daß Judde unser Damascenerklinge  
 De Handelsleut for Räs- und Zuckermesser bringe, —  
 Daß sich mit unsre Ledderleinwandstehgehosse  
 Die Handwerksborsch uf Danzpläs sehe losse,  
 Un daß am End villeicht noch unsre Trummle  
 Danzbäre sich uf Märk rum müsse dummle!

Non gut! die Cumpanie hot ihren Lohn,  
 Un ich, als Hauptmann, mein Satisfaction; —  
 Dann haww ich je villeicht mein Corps noch gheeße,  
 Sich ohne Ordre mir nir dir nir ufzulöse?

'S kummt Alles freilich nor vun Unordnunge her!  
 Wer löst beim Feure dann de Ladstocck im Gewehr?  
 Antwort: des war e sicheer Granadier,  
 Wo beim Manöver hot des aarme Dhier  
 Den Farrenummel durch de Kopp durch gschosse;  
 Dofor hot die Gemeen uns arredire losse, -  
 Gedhan hot 's Nimmand wolle hawwe, — sui der Schand,

Sich schmutzig do zu mache vorrem ganze Land!  
 Un hädd ich selli schbni Red nig ghalde,  
 Hädd uns der Burgemeeschter all im Loch gebhalde.  
 Ich hab mich for de Schade unnerschriwwe  
 Un bin zum Dank alleen drau henke bliwwe! —

Schtatt heem zu gehn, die Säwel hinzuhente  
 Un an den dodte Mummelochs zu denke,  
 Do zieht 'r, lauder Kinnerei im Kopp,  
 Noch Dwends in de „goldne Biedehopp“,  
 Schpauzeifel knotsche aus de üwrigge Batrone,  
 Un drunner nein gebrennde Kaffeebohne,  
 Daß 's nor recht prable soll! verbrennt 'm Werth sein Disch,  
 Die Kellermädle machen e Getrißch,  
 Mar sticht die Flamm, den Raach, 's gibt Feuerlärme,  
 Es schießt un trummelt, alle Glocke schtörme,  
 Un was is 's End vum Lied? — mir werre ausgelacht:  
 Die Granadier, hot 's gheeße, hanwe Feuerwert gemacht!

Jetz zahlt, hot 's Amt glacht, aus der Kas!  
 Die Prämia for 's erschte Wasserfaß,  
 De Glöckner un sein Leut, 'm Werth sein Disch,  
 Un fufzig Gulde for des blind Getrißch,  
 Et cetera! — Wie Ehr un Pflicht Euch bleche heeßt,  
 Do seid 'r rederirt un habt Euch usgelöst,  
 Eur Uniform un Armadur verpändt;  
 Des war dem schöne Corps sein traurigs End!  
 Doch wolle mer e Deck dodrüwmer schlage,

Dann ich bin nit der Mann, so was lang nochzutrage,  
 Un haww ich Euch aa scharf die Woohrheit gsacht,  
 So denkt: er mächt 's halt, wie 's der deutsche Michel macht.

Ich haww e Salb, die Wunde einzuschmiere,  
 Die Gibb, wo ich euch gebb, aach zu kurire;  
 Ich kann de Herren Kamerade nemlich melde,  
 Daß mir im Ausland viel noch gelde;  
 Un daß mer Wacht als gschtanne sin bei Bodendade,  
 Desß war uf Ehr for unser Corps keen Schade;  
 In ganz Europa dhät mar's mit Vergnuige höre,  
 Wann mir organisirt schon widder wäre.

Ihr wißt, es war der Fall schon, daß e Schwede-Offezier  
 Nor wege uns is ümwer Nacht gebliwwe hier, —  
 Der Hausknecht hot 'm noch e Farneschachdel gholt,  
 Womit er mich hot uf e Schpeiskart abgemolt,  
 In voller Uniform, de Dege in der Hand,  
 Betroffe wie mein Schadde an der Wand,  
 Sogar die Menschennoche un die Dodteköbb  
 Die ware zu erkenne noch uf meine Knöbb! —  
 Der hot mer gsacht, er dhät sich graddelire,  
 So schöne Leut, wie mir, emol ins Feld zu führe,  
 Un hot sich hoch verwunnert, daß mir noch keen Schlacht  
 Un noch keen Feldzug hädde mitgemacht,  
 Un dhäde uns doch so martialisch halde;  
 „Keen, hot 'r gsacht, 's sin wahre Muschtergshaltde;  
 „'S Lappländer Garderegiment is schön,

„Nor därf 's halt newe Ihrem Corps nit schtehü! —

Der russisch General Stilstoy hot schpäder gsacht,

Er hädd im Kaukasus e Trefse mitgemacht,

An die Poschtur vun unserm Herrn Sergeant,

Die wär em, sächt er, doch jeh so bekannt, —

Ob der nit dort villedicht als Bolondär

Beim Schlemil vorigs Schpätjohr gschtanne wär?

„Dann sächt 'r, Capidän! bei recht feindselge Thade

„Denk ich gleich an die deutsche Shtadtsoldade;

„Man weiß in Rußland, wie 's die Herren treiben,

„An daß se blindlings Alles unnerschreiben,

„Ihr Gut un Blut in wenig Fedderzügen,

„Wann nur e Sach noch Russehaß dhut riechen.“ —

Also, zur Ehr fors deutsche Vadderland,

Ein mir do drin als Russefeind bekannt!

Was werd mar sage jeh in Petersburg, wann 's heecht:

„Die schöne braune Granadier sin usgelöst?“

Dhät 's do nit heeße: „sie sin ausenamer gange,

„Weil 's Rußland will? — Mit ihre Anniforme prange,

„Sich in ihr schöne braune Frackröck shtecte,

„Des war ihr Sach! Doch dhun se ihr Gewehr glei shtrecte

„So wie se höre, sie sin uns e Dorn im Nag?“ —

Wär des for unser Cumpanie keen Schmach?

Wann ich mich also jeh entschließe kömmt,

An nähm 's Cummando widder in mein Händ,

De Dege in die Fauscht als Offezier, —



Könnst ich do zähle uf mein Granadier?  
 Soll ich als Cabidän Euch widder führe?  
 Soll ich an eurer Schpiß erummarschiere?  
 Ufziehe widder mit Euch bei de Wachde,  
 Wann fremde Prinze bei uns ünvernachde?  
 Ihr ruft: „Ja, Ja, Herr Cabidän!“ — Non, recht  
   's is gut!

So schwörich dann, so reich zulosse Gut und Blut,  
 So wie bisher seit dene zehe Johr  
 Als ich 's Cummando führ vun unserm Corps!  
 Bringt mir die Pandschein! Euer Schulde werr ich decke;  
 E deutscher Hauptmann löst sein Company nit sachte;  
 Er hot gottlob aa so viel Mittel,  
 Als nöddig sin bei so 'me Amt un Tiddel.  
 Norschtill! keen Wort vun Dank! ich weech schon, was ich dhu,  
 Wo ich mein Beudel uffmach odder zu.

Jez amwer, Kamerade kummt mein Ned an 's Ziel;  
 Ich mach im „Niese“ geschtern mein gewöhnlich Schpiel,  
 Do bringt mein Mahd en Pack, der riecht noch Zuchdeledder  
 Un sachte „pressant“ druf; — denk ich: Dummerwedder,  
 Was mag des sein? 's war vun der Poscht, un schwer;  
 Uf eemol setzt sich Alles um mich her,  
 Der Gen roth des, der Anner will gar wedde,  
 'S war des un des drin; ich dhu gar nix redde  
 Un denk: des is e Dus! — un sag halblaut: e Dos!  
 Do frogt e Engländer: „was is das, ein Dos?“

Ich sag: „e Dos, Mylord, — e Dos — des is e Dus,  
 „E Dos, des is e geldni Schnuppdumaksdus!  
 So war's dann aach, un noch darzu vun hoche Hand,  
 Un owwe druf der Name in Brillant;  
 'S sin zwor, so viel ich hör, keen ehde Schteen,  
 Doch is es Gold, und die Fasson ist schön.

Ihr Herrn, ihr Kamerade! wann mir jeh marschire  
 Un Ihr 's Gewehr vor mir dhut präsentire,  
 Do präsentir ich euch e Pris, un cummandir: „bei Fuß!“  
 Un ihr schnuppt all aus unsrer goldne Dus;  
 Dann was ich habb, ghört aa der Cumpanie,  
 Mir dheele Alles, Fröd, Plästr, Schtrabaz un Müh!

Wie gut is 's, daß mir jeh mit Brudersinn  
 Als Granadierecorps awermols beisamme sin;  
 Sunst wär die goldne Dus der Cumpanie engange,  
 Ich hätt wahrhaftig nig gewüßt, was anzufange;  
 Un mich, „als Commandeur“ war 's adressirt,  
 Un geschtern haww ich jo doch keen Cummando gführt;  
 So lang die Cumpanie war usgelöst,  
 Bin ich nor usgelöster Cabidän geweeßt;  
 Wär heut der Zweck vun meiner Red an euch mißglückt,  
 Hädd ich se morge glei zurückgeschickt;  
 Un wann mer's Nimmand aa dort hätt gedant, —  
 Wann 's hier aa gheesse hätt: „die hawwe selli Nacht  
 „Jeh vorrem Gashthaus die Hanswürschit umsunschit ge-  
 macht“, —

Mein Bürgergranadiers-Ehr hätt 's verlangt! —  
 Ihr Herren Kamerade! Hoch die Company!  
 An Schreit un Unordnung trenn uns vun  
 jeh an nie! —

Un die Erinnerung an den feierliche Dag  
 Die soll sich nit verfliege mit der Zeit, wie Raach;  
 Wann mir schun lang verkauft sin, soll doch 's Corps  
 An uns un unser goldni Duz in tausend Jahr  
 Noch denke — an die Duz, un an sein Ahne!  
 Der doppelschwänzig Löb uf unserm Fahne  
 Kricht morge 's Dags — des is so mein Gedanke —  
 E goldni Schnuppdruatzdus in sein Pranke,  
 Ganz groß, de Deckel uf, — die een Pot muß 'r hewe,  
 Als wann er sich e Pris wollt nemme ewe! —  
 Dann was Monarche uns zum Ahgedenke schicke,  
 Is schun derwerth, in unser Wabbe neinzuschicke!

Ich bschtell 's, ich sorg darfor; un bringt 's die Woch  
 Der goldne Paramenteschticker ferdig noch,  
 Dann werd de Sunndag, wann 's nit regent  
 un nig gfriert,  
 In Galla 's erscht Mol mit dem Fahne aus-  
 marschiert.

## 11. Der Brand im Huzelwald.

Do sizemer, zu zwölft, de ganze Morge,  
 For unser Schtadt un Böggerschaft zu sorge,  
 Un denke aach an gar nix vun der Welt;  
 Wf eenmol dhut sich unser Dhür uffschperre  
 Un unser Diener kummt, un sächt: „Ihr Herren,  
 „'S is noch en Extrabott do, wo sich meldt.“



Mir sage: „so! seit neume dhun mer siße,  
 Um rathzuschlage for die Schtadt, un schwiße, —  
 „'S is jeh ball zwölft — der Kerl, ja der wär gscheidt!“

„Verspät't mar sich, do dhun die Weiver brumme,  
 „Der Extrabott soll 's nächschtmol widder kumme,  
 „Drei Schtund zu sitze is keen Kleenigkeit!

Allein der Bott, en ungezogner Schliffel,  
 Dabbt rein mit seine vollgeschtaabte Schtiffel

Un sächt: „Ihr Herren, wißt Ihr dann aach,  
 was?“

Mir sage: „Neen! mir wisse nix, er Schlingel!“  
 Der Burgermeeschter langt noch seiner Klingel  
 Un werd vor Zorn ball feuerroth, ball blaß.

Der Bott war awwer gar nit err zu mache,  
 Un sächt: „Ihr Herrn, es sin verfluchde Sache,

„Ich wär gewiß sunscht nig gelosse so, —  
 „Der Wald brennt — wann Se 's güdigschd dhun  
 erlaawe —

„Der Huzelwald, der brennt, Sie dörfte 's glaawe,  
 „Der schtädtisch Huzelwald brennt licherloß!“

Do simmer uf die Schtühl zurückesunke, —

Der Burgemeeschter hot uns zugewunke,

Mir Rathsverwandte ware mäuselschtil;

Raum zehñ Minude lang hot er sich bsunne,

Do sächt er schun: Ihr Herrn, jetz haww ichs gfunne,

Jetz bast nor uf, was ich Euch sage will:

'S gibt Beddelbuwe — un aach anner Gündel —,  
 Die treuwe mit de Peife ihr Gezündel —,  
 Die hawwe's als gewöhnlich gedha! —  
 'S is, wie der Bott sächt, 's sin versuchde Sache!  
 Des kummt vun dem verbottne Feuermache,  
 So e Huzelwald geht nit vun selwer an!

Un bei so Fäll gehts glei an's Käfenire,  
 Do heeßt's, mir dhät 'ne schlechdi Uffsicht führe,  
 Die Börgerschaft schändt eem de Buckel voll!  
 So Zündler sollt mar ohne weiders hente,  
 Mir wenigichtens, mir wollenen nix schenke!  
 Den Antrag shtell ich glei zu Prodegoll.

Des wär des Erscht! — Was wollt ich doch noch sage? —  
 Ja! ünwerr's Lösche müßsemer rathschlage.  
 Mer wolle 's mache wie die Generäl;  
 Gh die anfsange losse kanonire,  
 Do dhun se gründlich erscht deliwirire,  
 Wie mar zu mache hot Desf odder Sell.

Die Hauptsach is: die Köbb nit zu verliere!  
 Mar muß die Feuertrummle losse rühre, —  
 Die Dambor müße alle zwee erbei;  
 Der Geß schafft alleweil als Schifferdecker  
 Uf sellem neue Bau dort ünwerrm Necker,  
 Den muß e Rathsverwandter hole glei.

In Sella mit de große Baddermörder,  
 Der is als angestellter Krankewärder  
 Jetz draus in unserm Bladdereschpital;  
 'S werd erscht en Gang zum Physikus noch kochte,  
 Daß er heut Middag weg dörf vun seim Boschte, —  
 Mar sächt dem, 's wär e ganz pressander Fall.

Die Trummle sin im Schpritzehaus verschlosse,  
 Mar muß die Schlüssel vorerscht hole losse,  
 Der schtädtisch Bauknecht hot se in Verwahr, —  
 Mar dhut em dreimol an der Hausdhür schelle —  
 Aus Vorsicht haww 'ch se dorthin losse schelle  
 Seit jellemol der blinde Lärme war.

'S muß Gener nuf, de Feuerwächder wecke,  
 Er soll die Brandsahn uffem Dhorn rauschtecke,  
 Jedoch nit früh'r als bis er trummle hört;  
 Erscht wann er merkt, 's is hunne Feuerlärme,  
 Dann dörf er aa mit seine Glocke schörme, —  
 Genau wie 's unser Feuerordnung lehrt.

Mar kannem glei aa die Levidde lese,  
 Dann der war Ursach, mit seim Schnuddelwese,  
 An dere Unordnung beim letschte Brand;  
 Wann er noch seiner Inschtruction wär gange,  
 Nit hätt so früh zu bämble angefange,  
 Wär jeh nit des Geuhz im ganze Land.

Der Vorfall nimmt mich jehz gar nimmer Wunner;  
 Der schörmt druf los, — die Gäul sin schein — vum  
 Dunner, —

'S is Nacht, — die Leut sin voll, — verblendt vum  
 Blitz, —

Kaum war die Meldung do, 's hädd eingeschlage,  
 Do kalobbirt aa schun der Todtewage

Die Vorschadt naus, — anstatt der Feuerschpris!

Wär Zeit geweest, die Bekränz anzuziime,  
 Do hätt die Mannschafft glei gemerckt darhinne,

Daß mar die Perd lehz anspannt in der Hitz;  
 Dann 's schieht zur Vorsorg uffem Todtewage  
 Mit ehlelange Lettre: Todtewage,

Un uf der große Schpris schieht: Feuerspris!

Gott's Blitz! 's is gut, daß ich do drañ duh denke:  
 Die Schlösser, wo am Schpritzehausdhor hente,

Die gehne mannichmol e bissel schwer;  
 Die Rinner duhn se als mit Dreck verschtobbe,  
 Den muß mar raus erscht krahe oder klobbe, —

Im Rothfall ruft mar Schlossersgelle her;

Un, notabene, dene muß mar sage,  
 Daß sie aa bei sich hawwe ihr zwee Nage,  
 Un keen Dollbatsche-Finger an de Händ



Dann die Hentfchlösser — des sin Meeshterschtücker,  
 Un hawwe allerhand verborgne Drücker,  
 Un wer des Ding nit weesß, kummt schwer zu End.

Erscht löst mar's vorne zwee Mol bhutsam schnabbe,  
 Dann drückt mar newwe an zwee Fedderklabbe,  
 Un sucht dann hinne 's rechtsde Schlüßelloch;  
 Jez dhut mar links de Schlüssel sechs mol drehe,  
 Un wann mar meent: non! alleweil werd's gehe, —  
 Do kummt des Hauptgeheimniß vun der Sach erscht noch.

Halt, daß ich 's nit vergeß! — die Trummelschlächel  
 Un Bandelier, die hente in der Regel

Darhinne in der alt Regischtratur;  
 Sollt mar se awwer dort nit finne könne,  
 Do dörf mar sich nor an de Bantknecht wenne,  
 Der kummt 'n sicherlich ball uf die Schpur. — —

Er hot noch Manches gfaht, — ich habb 's vergesse!  
 Ich hab gedenkt: Gut Nacht, mein Middageße!

„Daß 's jez aa grad am zwölfe brenne muß!  
 „Heut werd 's noch schöne Trobbe Schweeß absetze,  
 „Wann mar sich so wie Mir erum muß heße  
 „Mim leere Bauch, — bei dere Hitz — zu Fuß!

'S mächt Jeder sich die nemliche Gedanke,  
 Doch awwer dörf mar in der Noth nit wanke,  
 Un 's geht aa leicht, wann 's heeßt: 's is halt e Muß!

Gelebt an uns hot Alles un gezawwelt,  
 Der Gei is uf de Kerchedhorn gegrawwelt,  
 Der Anner schporeschtrees zum Physikus;

Der is zu zwee drei Schlosser hängeloffe,  
 Hot awwer nor en Lehrjung angetroffe,  
 En Anrer hot die Trummelschlächel gsucht;  
 Ich hab gedenkt: du holst dort üwewern Necker  
 Bum Dach erunner unsern Schifferdecker! —

'S war in der Feierschtund, — der hot was gflucht!  
 Zwee Schtund harw ich mich rungebisse middem,  
 Am End kummt's raus; er jächt: „ja, 's hot sein Jödem,  
 „Sie solle 's wisse, we der Schub mich drückt;



„Was badd 's, wann ich mich noch so arg wollt dumme,  
 „Ich kann doch ohne Unniform nit trumme,  
 „Un geschtern haww ich die uss Bandhaus gschickt.

Was! sag ich, — daß ihn alle Krodde pege!  
 Die schtädtisch Domborunneform verseke!  
 Un denk: noh do werd's schön, geht's gar eso.  
 Ich hädde können losse arredire  
 Un glei mit rein in Burgerghorscham führe,  
 Alleen jeh war aa grad keen Gensdarm do.

Ich wees nit, wie ich widder rein bin kumme;  
 Ich bin jo in mein eegne Schwees schier geschwumme,  
 Un fehr im erschte beschte Berthshaus ein:  
 „Aha, sag ich, do treff ich jo Bekande!“  
 Es ware drei vun unsre Rathsverwande,  
 Die hawwe Seltferwasser ghadd un Weis.

Do hot sich's dann aa jeh ganz klor gewisse,  
 Daß mir for heut uns annerscht helpe müsse;  
 Der Physicus hot eenfach gsacht: „Ihr Herrn,  
 „Der Wärder muß bei seine Kranke bleibe,  
 „Als Dambor kann mar 'n Annere uftreibe, —  
 „Doch wann se sunscht was wolle — herzlich gern.“

Zum Glück seh ich en alde Bäckersgelle,  
 Ich klobb dem glei, un ruf, un dhuen schtelle,  
 Un sag: nit woher, er war emol Dambor?  
 „Ja freilich, sächt er, un kann aa noch trummle“;  
 Noß, sag ich, kumm Er mit, dhu Er sich dumme,  
 Geh Er nor glei an's Rothhaus mit mer vor.

Ich habb gedenkt: sein weiße Bäckstübbskleeder  
 Sinn aach e Umeform, un heut is Jeder,  
 Wo nor e bissel ebbes vorschstellt, recht.  
 Mir dhun minanner hiß vor's Rothhaus gehe,  
 Un ich ruf unsre Herrn zu wo dort schtehe:  
 „Do bring ich Gen wo uns die Trummel schlächt!“

Der Burgemeeschter heest uns glei ruffumme,  
 Un hot den Mann in Treu un Pflicht genumme  
 Als provisorische Schtadt- un Rathsdambor,  
 Un hodden angewisse, wie 'r sein Pflichde  
 Als Schtadt- und Rathsdambor hätt zu verrichde,  
 Un heut em feierlich sein Trummel vor.

Corios! glei druf kommt aach e Schornschtefeger,  
 Wo früher ewefalls war Trummelschläger; —  
 Jey is 's dann gange: rum bum bum bum bum,  
 Die Brandfahn uffem Dhorn is hausgeschtocke,  
 Es läutt un schtörnt mit alle unsre Glocke,  
 Des Gschrei: Feuer! Feuerjoh! geht rum und um.



Die Küferknecht sin mit de Budde kumme,  
 Ihr Küwvel hanwe alle Mähd genumme,  
 Un Alles hodd enanner gsfrogt, wo 's brennt?  
 Des Feurpiquet mit seine Bangedder  
 War aageblicklich do, wie 's Dunnerwedder,  
 Got Alles, was im Weg war, umgerennt.  
 Do kreischese; dort rollt's wie zehne Dunner,  
 Bierschpännig, een Gas nuf, die anner runner,  
 Die Funke sin vum Plaschter ufgeblitzt,

Der Bode hot uf tausend Schritt geziddert,  
 So hodden unser groÿi Schpritz erschüddert,  
 Wo alle Schtund dritthalw Ohm Wasser schprist.

Korzum, 's war so des echde Brandgedümmel! —  
 Uf eenmol — wie e Blitz vum klore Himmel —  
 Fällt euch ein mörderlicher Nege ein,  
 Grad so, als wollt der Himmel, uns zum Bosse,  
 Jez all sein Wasserkünschte schpringe losse, —  
 Es is uns owwe zu de Schtiffel nein.

Mar hot vorm Platsche nix vum Feuerlärme,  
 Mar hot jo beinoh nix mehr ghört vum Schtörme,  
 Die Gasse waren all wie wilde Bäch:  
 Mir um die Schtadtdambor sin schier versoffe,  
 Die Brüh is in die Trummle neingeloffe —  
 Un doch sin mir net vun der Schtroß ewech!

Mer hanwe uns im Geschäft nit losse schtöre,  
 Trutzdem daß mir Den hanwe kreische höre:  
 „Si fällt dann morgen e Quatember ein,  
 „Weil unser Herrgott heut sein Stockfüsch wässert?“ —  
 Mit Antwortgewe is do nix gebessert, —  
 Dem brocke mer's en annermol schun ein.

Ercht hot die Borgerschaft heut musse sehe,  
 Wie Mir for sie durch Feur und Wasser gehe,  
 Sollt mar aa dreckig werre wie die Schwein! —  
 Ja! wann mar wege nae Fu un Socke  
 In so 're Zeit wollt hinnerm Ofse hocke,  
 Do war's keen Kunscht, e Rathsherr hier zu sein!

## 12. Jez kann mar ruhig uffem Rothhaus sie.

Heut Nacht, 's war glaaw ich zwische drei un viere,  
 Do fang ich an im Traam zu dischbediere  
 Un bin im Bett rum gfare hin un her;  
 Uf meiner Schtern sin kalt die Trobbe gschtanne,  
 Un habb gerufe Ja! un Einverschtanne!  
 Als wann ich schun in unsrer Sitzung war.

Wie ich zu laut bin worre, hot im Schrecke  
 Mein Fraa gedenkt, 's war gut mich uszuwecke;  
 Un kaum da ich nor zu mer kumme bin.  
 Ich nimm e kleen Babier, un dhu 's als Zeeche  
 Gle in mein goldni Schnubbduwaksdus lege,  
 Un sag: geww Acht, der Traam der hot sein Sinn!

So war's dann aa; mir hädde elend könne  
 Uf unsre Lahnesessel all verbrenne

Un 's hädde aa noch keen Hahn noch uns gekräht;  
 Mir Rathsherrn wäre hiin, un die Babiere,  
 Die viele Prodogoller wo mir führe, —

Wann mir nit wachsam wäre früh un späät.

Wie sich's vun selbscht verschteht, dhun mir am neune,  
 Präcis, in unserm Sitzungsmaal erscheine,

Nor unser Rathsbedel findt sich nit eii;  
 'S wär aach e Kunscht gewest sich eizufinne,  
 Dann gschlose hot er in der Wachtschtubb himme  
 Un gschünke noch Kardoffelbrandewein.

Mir hädde zwor vun neune bis am zwölfe  
 Uns des Mol könne ohne den behelfe,

Alleei jetz is was auszuschelle gschwind;  
 Do heest 's: ja 's hilft keen Bede un keen Fluche,  
 Mir müsse halt jetz eigenhändig suche,

Wo mar dem volle Lumb sein Schtadtshell findt.

Un ohne viel dodrümwere rathzuschlage,  
 Wem mar das schöne Geschäft soll ünwertrage,

Heest's glei! die Inwendariumscommission!  
 Nach gut! dhun ich for mich im Schtille denke,  
 Do heest's jetz recht: der Rath die Schell anhenke,—  
 Dann bin ich Obmann vun der Commission.



Die Schell werd gesucht vum Schpeicher bis zum Keller  
In ganze Nothhaus, wie e kleiner Heller, —

E schöni Bshering hammer gfunne do!  
In unserm Keller licht e voller Rärcher,  
Un aa der Knecht vum Raafmann Rakeberger,  
Kanonevoll vun Schnaps, un blickebloo.

Geziddert hanwe mir an alle Glieder, —  
Der Rakeberger, unser Kellermiedher,  
Legt den voll Schpiridus un Brandeweiß!  
Un sein zwee Kerl die liche vor de Fässer  
Mit Käsebröder in de Händ, un Messer:  
Un mit 'n war aach unser Zabbe nein;

Dann midde zwische dene Lumbe drunne  
Do hammer unser Schtadtschell widder gfunne; —  
Un uf wie's Wetter in die Sitzung nein!  
Ihr Herren, sage mir, 's gibt was zu horche,  
Ihr sitzt do ganz gemächlich ohne Sorge,  
Un Alles drunne is voll Brandeweiß!

Mir dhun die Sach zur Dagesordnung ziehe,  
Un bschließe uns in Keller zu versüße,  
Dort rathzuschlage ünwer unsern Bschluß,  
Un 's Prodegoll glei drunne zu verfasse; —  
Dann mit 'm Brandeweiß is nit zu gschpasse  
Un noch viel weniger mit Schpiridus.

Mir seze noch ganz korzer Uewwerlegung  
In corpore uns also in Bewegung,

Un ich als Obmann trag im Arm die Schell,  
Un bring se, afforat wie ich se drunne  
Vorher bei dene Bflossene hab gesunne,  
Ganz bhudsam widder an die vorig Shtell.

Jetz sinmer uf die Fässer nuffgetroche  
Un hawwe an de Spunde rumgeroche, —

Do war's halt Schpiridus un Brandewein!  
„Ja! sächt der Burgemeester, do hädd könne  
„S ganz Rothhaus uf die schönst Manier verbrenne,  
„Doch, 's hot halt, Gott sei Dank, nit solle sein.

„Dann, meine Herrn, wär unser Rothhauskeller  
„Nit juscht zum Glück um hunn'rt Procende heller  
„Als gar viel annre Rothhauskeller sin,  
„Do müßt mar mit Laderne runnergehe,  
„Weil mar zum Schaffe nig genug dhät sehe, —  
„Ja, meine liewe Herrn, do licht was drin!

„Dann, wann so Mensche mit Laderne kumme,  
„Werd als e Mol aa 's Licht erausgenumme,  
„Do zündt sich Gener aa die Luddel an;  
„Un hawwe se gar Brandewein getrunke,  
„Un fängt der Dunscht aus ihre Häl en Funke,  
„Do gib't's en Brand un Niemand hot's gedah't;

„En Brand, wo dauſend Mann nit löſche könne,  
 „Dann, is der Schpiritus emol im Brenne,  
 „Do brennt er fort — bis daß er nimmer brennt.  
 „Hätt do die Flamme von unne um ſich gfreße,  
 „Un mir, mir wäre ruhig drowwe gſeße,  
 „Wär's jeh mit unſrer Herrlichkeit am End.

„Deßwege wolle mir uns reſolvire,  
 „Un unſern Dank zu Prodegoll vodire  
 „Un unſer Inventariumscommission;  
 „Die Herrn, wie ſie zu dritt do ſin beiſamme,  
 „Die hawwe uns errett vun Feur un Flamme,  
 „Im Prodegoll kriecht ihr Verdinſcht de Lohn.

Des war dann aa die Schtadtrathsreſolvirung,  
 Un war dorüwmer allgemeini Rührung,

Geſchtimmig hot die Commission gegreint.  
 Jeh freilich, 's Prodegoll zu unerſchreibe,  
 Des hot vun uns aus müſſe unnerbleibe,  
 Die Annre waren ſchun genuch, zu neunt.

Jeh hammer dann for allererſcht noch bſchloſſe,  
 Daß mar die volle Kerl wollt liche loſſe,  
 Sie ware uns zum Trage aa zu ſchwer;  
 Die Schtadtſchell aiwmer hammer mitgenimme,  
 Un ware froh, in unſern Saal zu kumme,  
 Do drunne hammer gar keen Ruh ghatt mehr.

Dann 's war uns all in unser Glieder gschlage,  
 Un ich habb 's gespürt am Grawwle in mein Mäge,  
 Daß mir heut 's Middageße nimmer schmeckt;  
 Un weil 's do nöddig war, was vorzukehre,  
 Damit uns Nimmand mehr hot könne schtöre,  
 Hammir vor's Nothhaus unsern Schtrohwisch gschteckt.

Domit dhun mir der Schtadt signalisire,  
 Das mir in corpore deliwirire,  
 Un Nimmand Zutritt jets uf's Nothhaus hot;  
 Do kriecht der Büddel Ordre ufzubasse,  
 Un 's dörf keen Fuhr mehr fahre uf de Gasse,  
 Sunscht heeßt's glei: Deha! halt! nit hühscht noch hott!

Heut is 'r noch am Gens im Bode gschtocke,  
 Dann do zu helpe war e harder Brocke,  
 Doch, Gott sei Dank, heut hot 's doch zu was gführt;  
 Mir Rathsherrn un der Brandeweiß im Keller,  
 'S werd Alles uf de Kreuzer un de Heller  
 Beim Phönix in Paris affekurirt.

Ja! 's is jets ünwerlegt un aa schun bschlosse,  
 Daß mir den Schnaps un Uns versichre losse,  
 Un was es koshcht, des zahlt die schtädtisch Kas;  
 Dann unser Börerschaft, die kann nit wolle,  
 Daß mir emol im Dienscht verbrenne solle,  
 Un wann se 's wollt, do peife mir er was.

So kann man doch getrost aa drowwe siße,  
 Un braucht nimmehr vor Angscht sich abzuschwiße,  
 Kann widder ruhig uf sein Nothhaus gehn;  
 Mir Rathsherrn, unser Nothhaus, unser Bücher  
 Un unser Prodegoll steht Rumro Sicher, —  
 Die Phönirgesellschaft muß for Alles stehn!

Jetzt kann ich auch aus meiner Duz des Zeeche  
 Ganz ruhig nemme un bei Seit es lege,  
 Dann 's hot mich heut beim Schnubbe oft genirt;  
 Des harw ich awwer doch jetzt deutlich gfehe,  
 Wann ich was traam, do kann man fesch druf gehe, —  
 Umsuncht harw ich im Schloß nit dischbedirt!

13. Gedanken am Grabe unseres zu frühe ver-  
 bliebenen Herrn Bürgergrenadierhauptmanns  
 und Rathsherrn Christoph Hackstrumpf.

(Bruchstück aus einer Beilage zum Wochenblättchen.)

Laß deine Zähren fließen, arme Stadt!  
 Laß schwellen sie zu einem Thränenmeer,  
 Zum Ocean, der seine Küsten hat:  
 Denn, ach! ach! Vater Hackstrumpf ist nicht mehr!

Verwaister Stuhl, vor'm Tisch im Rathsherrnsaal,  
 Sag an, o Stuhl, was ächzest du so sehr?  
 „Laß ächzen mich, verächzen meine Qual,  
 „Denn, ach! ach! Vater Hackstrumpf ist nicht mehr!

„Auf mir, o Schreckenstag! auf mir erklang  
 „Sein letzter ird'scher Seufzer, dumpf und schwer,  
 „Und plötzlich hallt's von Mund zu Mund so bang:  
 „Ach! ach! ach! Vater Hackstrumpf ist nicht mehr!“

(folgen viele Strophen, sodann:)

Ein Grenadier trägt seinen Hauptmannshut,  
 Die Dof' ein Andrer vor dem Sarge her,  
 Der Dritte seinen Degen, scharf und gut, —  
 Ach! ach! ach! Vater Hackstrumpf ist nicht mehr!